

1597
Hermolai
Theupoli
obitus.

Joannes
Bembus in
Illyrico le-
gatus.

febre correptus, paucos intra dies excessit e vita, summo omnium civitatis ordinum, ac praesertim Jadertinorum atque Illyricorum mœrore, qui cuncta sibi ab ejus virtute ac fortitudine prospera pollicebantur. Ei statim Joannes Bembus, legatus in Cretam designatus, est suffectus; qui licet lege ad incundum magistratum ob Cretæ legationem cogi non posset; attamen suam operam Reipublicæ navaturum amplissimis verbis pollicitus, postridie in provinciam proficiscitur; classem firmat; acrius hostes obsidet, urget, insequitur.

Rodulphi
Cæsaris ad
Veneto ora-
tore de U-
scochis ser-
mo.

Inde cum Venetos, reliquis omnibus posthabitis, tot damna injuriasque vindicaturos fama esset; Cæsar Franciscum Vendramenum, Reipublicæ legatum, ad se vocat; quanta ex iis, quæ nuper acciderant, molestia affectus fuerit significat; satis Reipublicæ facere cupientem, temporum conditione impeditum: Senatui scribat; veteri assuetaque prudentia utatur; quot curis ob turcicum bellum distineatur, secum reputet; hæc ab humani generis hoste zizania dispergi, ut communi christianæ reipublicæ bono obsistat, arbitrari: verumtamen prædam negotiatoribus restitui, incommodis obviam iri quacumque ratione curaturum. Legatus, quæ Senatus molitur, necessitate ductum facere; non præclaros ejus ad gloriam impetus retardare, aut quidquam de sua in eum observantia ademptum iri velle; subjectorum tantum fortunas, res, vitam, quorum illi Deus Optimus Maximus curam commiserit (ut Principes justos decet) tueri; eoque tantum Patrum consilia spectare. Clemens quoque justam Senatus iram sedare nititur; æquam Reipublicæ causam esse; sed aliis præsentī malo remediis obsistendum; in Cretam aliasque orientis insulas amandari illius gentis manum, vel aliquid ejusmodi fieri oportere: Austriacam omnem familiam Patres ne lacefferent; Cæsarem armatum Pannonicum bellum brevi conficere posse: non armis, sed consilio experirentur, hortari. Ad ea legatus, Venetorum patientiam, assidua damna commemorat; sæpius a Cæsare, ut averteret ea, petitum; cunctando tempus extractum. Quis patiatur, navigia in Reipublicæ portubus magno vectigalium detrimento intercipi, spoliari, diripi? non in Austriacos hos conatus, sed in humani generis pestem dirigi. Eodem tempore Rodolphum Pontifex hortatur, labentibus in ea regione rebus opem ferat;

neve

Clemens
Pontif. de
Uscochis
cum Sena-
tu agit.